



UNIVERSITÄTS-  
BIBLIOTHEK  
PADERBORN

**Nicolai Lancicii E Societate Iesv Opvscvlorvm Spiritvalivm  
Tomvs ...**

**Łęczycki, Mikołaj**

**Antverpiae, 1650**

Quæ Meditationes magis conducant in Octiduana Recollectione, ad  
executionem bonorum propositorum, & in quo est situs fructus  
Exercitiorum Spiritualium. Cap. XIII.

---

[urn:nbn:de:hbz:466:1-78809](https://nbn-resolving.org/urn:nbn:de:hbz:466:1-78809)

offendas alios, non curans interim stultè Deum causâ illorum offendere, & quidem illum Deû, à quo tot bona naturæ & gratiæ accepisti, & plura adhuc accipere potes, & qui te iudicabit feuerissimè, ob istos humanos respectus, & auersionem ab exacto studio virtutum, & vitæ sanctæ exercitationibus, & ob socordiam & negligentiam in serio profectu virtutum, longè minore quàm fuerit hæctenus profectus tuus in studiis, vel in aliarum rerum acquisitâ notitiâ, aut in diligentia & expeditione aliorum negotiorum humanorum, & occupationum non spiritualium.

160. Præuidés itaque futuras persecutiones, quas, teste Apostolo, omnes piè viuere volentes pati necesse est, infige cordi tuo profundè, nunquam delendum illud monitum, quod quidam Sanctorum dedit Sancto Iohanni Climaco, ab eo relatum: Affige in anima ligno (quam crucem dicimus) iucudem, videlicet mentem, & per alternos mal-

gr. 4. col.  
8.

lorum ictus & crepitus, percussa ludibriis & maledictis irrisionibusq; lacepsita, iniuriis affecta, infracta & in nullo lesa seu dissoluta perseverans, tota ienu & plana immobilisq; persistat. Irisiones horû singulis vt aquam viuam bibe. Nam si viuimus in nequitia, inquit S. Chryostomus, licet sit nemo qui detrahat, omnium miserissimi sumus: Si verò virtutem exerceamus, licet totus terrarum orbis maledicat, tunc sumus omnium beatissimi. & omnes saluari volentes attrahemus. Non enim improborum detractionem, sed vitæ virtutem intuebuntur. Etenim omni tubâ clarior est per opera demonstratio, & ipsa luce mundior est, & illustrior vitæ puritas, licet innumeri sint calumniantes &c. sue verò fuerint & aliqui calumniantes, ne turberis idcirco, neque quòd te palam afficiant contumeliâ, respicias, sed eorum discute conscientiam, & eos inuenies te plausibus prosequentes & admiratione. Aspice quomodò Nabuchodonosor pueros laudat, licet inimicus esset & hostis: sed postquam vidit generose flames, predicat & coronat, propter nil aliud quidem, nisi quia sese contempserunt, & Dei legem audierunt. Diabolus enim cum se viderit nihil expedientem, mox desistit veritus, ne nobis maiorum causa coronarum efficiatur. Quòd si & homines decipiantur, à Deo laudem habebis, & maiorem admirationem. Ne doleas itaque, nec concidas animo, quoniam & Apostoli, his quidem erant odor

161.  
h. 1. 4. ad  
POP.

mortis, his autem odor vitæ. Fulgeas igitur vitâ, nec calumniantium villam geras curam. Ad hoc iuuabit te illa præmonitio data à Sanctissimâ Virgine Maria S. Brigitæ de dæmone suggesturo tibi, volenti viuere meliùs quàm antea vixeris: Deridete ab omnibus, si te nimis humiliabû & submitres. Denique in aduersitatibus & contradictionibus habebis consolatorem, protectorem, & remuneratorem Deum, sicut promisit Spiritus sanctus per David: Abscondes eos in abscondito vultus Dei, à conturbatione hominum, proteges eos in tabernaculo tuo à contradictione linguarum. Putas, inquit S. Augustinus, est quisquam ita felix in hoc mundo, vt cum cæperit audire opprobria hominum à

1. 4. Recu.  
cap. 75.

Psal. 30.  
21.

conc. 3.  
in Psal.  
30.

quibus audit opprobria, intret in vultum Dei cum conscientia sua: Intra planè, sed si habeat cum quo intret id est si non sit onerosa ipsa conscientia, si non ipsi faciat sarcinam grandem ad angustam ianuam. Esto domus eius, & erit domus tua; habitet in te, & tu habitabis in eo. Si enim exceperis in hoc seculo in corde tuo, ille post hoc seculum excipiet te vultu suo &c. Sed interim cum peregrinantur in hoc seculo, quia multas patiuntur linguas contradicentes, qui tibi seruiunt, quid eis facis? Proteges eos in tabernaculo tuo. Quod est tabernaculum? Ecclesia huius temporis: tabernaculum id est dicitur, quia adhuc in terrâ peregrinatur. Tabernaculum enim habitaculum est militum in expeditione positurum. Pugna in expeditione peregrinus, vt saluus factus in tabernaculo, gloriosus recipiatis in domum. Erit enim in celo domus tua æterna, si modò benè in hoc tabernaculo vixeris. Ergo in hoc tabernaculo proteges eos à contradictione linguarum. Sed quamvis non protegetet, parum refert. Nam, vt idem monet alibi, Si amatores seculi non curant reprehensores veraces, vt sint formosi fallaces; nos in his rebus, in quibus placemus Sapientiæ Dei, non debemus curare irrisores iniustos, non habentes oculos, vnde videat, quod amamus. Hos vehementer damnat in Religiosis coram S. Catharina Senensi Deus Pater, his verbis: Isti facti sunt arma diaboli & cum satore suo venenose corrumpunt intus & extra. Ipsi promiserunt ordinem obseruare, sed in facto, miserabili modo transgrediuntur ordinem, sicut veluti lupi rapaces insurgunt & persequuntur bonos & humiles, qui ordinem (hoc est regulas) conantur obseruare, faciendo super eos trufas atque derisiones, existimantes ex his derisionibus, quibus obseruatores Ordinis ita persequantur, suam propriam cooperuisse miseram vitam, sed ex hoc apertius ipsi patefaciunt illam, & idè tot inconuenientia in sanctis Religionibus occurrunt.

conc. 119  
Psal. 31.

conc. 119  
108.

#### CAPVT DECIMUM TERTIVM.

*Ad executionem bonorum propositorum, que Meditationes conducunt in Octiduaana Recollectione, & in quo situs sit fructus Exercitiorum, & omnium meditationum aliarum.*

PROderit plurimum ad stabiliendâ bona proposita (circa res difficiliore) que in hac Collectione facies, extra tempora Meditationum, sedendo vel ambulando in cubiculo, roborate ea consideratione suauis Motiuorum, quæ S. Pater attulit in modo posteriore benè eligendi in secunda hebdomada.

In Meditatione Fundamenti & finis, item de Regno Christi, & de duobus vexillis, & de tribus hominum classibus, oportet benè se fundare, & intimè menti imprimere ea, quæ S. P. N. Ignacius in illis expressit. Sunt enim (vt ita dicam) essentielles Meditationes, à quarum profunda penetratione pendet fructus Collectio-

nis,

nis, vti & à Meditationibus de illis Christi patientis myfteriis, quæ tractant de Christo illatis iniuriis per falsas accusationes, per ludibria, per eius contemptum, per eius condemnationem, & omnimodam malam tractationem, præsertim à Superioribus & Magistratibus & Principibus populi. Per hæc enim exempla bene peccetrata, dulcesunt ex cruce, contemptus, excusationes, condemnationes, & his similia, ob quæ imperfectis amara videtur præsens vita.

164. Fructus Exercitiorum omnium, vti & quotidianarum meditationum præcipuus, in his rebus consistit, partim faciendis, partim vitandis iuxta illud Psalms: *Declina à malo, & fac bonum.*

I. Nunquam deinceps deliberatè peccare.

II. Rarò peccare etiam in deliberatè.

III. Nunquam peccare in rebus ad diuinum cultum immediatè spectantibus.

IV. Nunquam incidere in peccata parua periculosa, per quæ facilis est progressio ad grauiora lapsus. Talia sunt negligentia in cogitationibus impuris repellendis, aspectus feminarum, imaginum turpium.

V. Nullam regulam, si religiosus es, transgredi.

VI. De rebus spiritualibus, vel saltem religioso ore dignis, semper colloqui.

VII. Fugere conuersionem cum iis, qui sunt causa viuendi laxius. Hæc tamen fuga debet esse prudens & non furiosa, nec manifestum contemptum alterius præferens; sed dextrè declinandi sunt tales, adhibito etiam Superioris auxilio, si aliter non poteris te à talibus te prestantibus extricare.

VIII. Opera ordinaria quotidiana facere diligenter.

IX. A clamoribus & cachinnis & iocis irreligiosis perpetuò cauere.

X. Conuersari cum magis spiritualibus.

XI. De nulla re conqueri.

XII. Nullius mores censurare, sed bene interpretari omnia.

XIII. Omnia, quæ Superior iniungit, sine vlla excusatione exequi.

XIV. Nullum officium vel gradum eligere aut optare, sed prout sancta obedientia disponet.

XV. Non querere speciosa & promotiones ad altiora.

XVI. Post Communionem diu, saltem per mediam horam, cum Christo Domino colloqui, & postea spirituali lectioni saltem per horam vacare.

XVII. Extra lectionem vel studium intercedentia interualla temporis expendere in cogitatione de Deo & piis affectibus.

XVIII. Opera singula Deo offerre, & procurare, vt omnia quæ facis, sint meritoria, idque non ob tuum commodum spirituale, sed ob Dei gustum & gloriam.

XIX. Amare, & optare, & pati omnes aduersitates patienter, libenter, hilariter.

XX. Dare operam, vt opera tua respondeant cognitioni quam tibi Deus dabit de modo illa peragendi.

XXI. Sæpè renouare memoriam rerum æternarum, vt ad illas omnia tua dirigas, non ad humanos applausus vel gratiam hominum.

XXII. Ita saltem curare progressum in virtutibus, sicut curas alia tuo corpori necessaria.

XXIII. Semper niti ad perfectiora & Deo magis grata, & amori proprio magis insipida.

XXIV. Ob humanos respectus nil mali facere, nil boni ommittere.

XXV. Sæpè se reflectere in operibus, vt singula sic facias, quomodo eadem faceret aliquis sanctus cui afficeris.

*Altera pars fructuum ex meditationibus decerpendorum sita est in hoc, vt sequentes defectus Religiosorum, spiritu religioso destitutorum vitentur.*

I. Querere occupationes honorificas.

II. Querere mansionem in locis commodis, vrbibus & cubiculis talibus.

III. Velle sua munia obire in locis honorificis & frequentibus.

IV. Detrectare occupationes minus honorificas, & loca incelebrata & minus commoda.

V. Gradus altos expetere, & affligi si eos nõ assequaris.

VI. Prehsare eorum domesticorum gratiam, à quibus promoueri possis ad honorifica & defendi.

VII. Conuersari cum talibus, eundem ob finem occultè intentum, vel saltem apprehensum.

VIII. Fugere conuersionem cum personis minus speciosis & vilibus, & deuotis, ac spiritualiter viuentibus.

IX. Conuersari libenter cum personis minus spiritualibus, sed iuxta mundanum iudicium celebribus, & honoratis, & potentibus, idque ob humanum aliquem finem.

X. Visitare frequenter eos, à quibus promoueri possis, & quidem hoc fine, vt promovearis.

XI. In non necessariis confabulationibus tempus extrahere, præsertim cum iis, quorum fauor prodesse potest, ad aliqua iudicio mundi speciosa.

XII. Querere patronos ad impetrandum operata, non necessaria.

XIII. Conqueri de Superiorum Ordinationibus circa se & circa suos amicos, non ad suum gustum factis.

XIV. Commodiora omnia in victu, vestitu, habitatione querere, & labores subterfugere.

XV. Fre-

XV. Frequenter è domo exire sine necessitate, tantum ad vitandum tedium, & laborem occupationum bonarum.

XVI. In recreationibus nil spirituale profectre, sed iocis, & clamoribus, & cachinnis, etiam per Ethnicos Philosophos damnatis, eas inquinare.

XVII. Recreationes querere nimias, idque non ob veram necessitatem, sed ob sensualitatem, & inclinationem ad otium & ad fugam laborum.

XVIII. Somno plus quam sit opus indulgere.

XIX. Tempus male expendere.

XX. Carpere vel irridere alios.

XXI. Aliena dicta vel facta vel intentiones censurare, & sinistrè interpretari, mente & voce illis detrahere.

XXII. Contendere cum aliis.

XXIII. Exprobrare alteri aliquid contra se dictum alibi, vel factum.

#### CAPVT DECIMUM QVARTVM.

*Qua in re transigendum tempus illud quod intercedit inter horas Meditationis, tempore Octiduanæ Recollectionis.*

**Q**uærit, quomodo tempus transigendum est (tempore Exercitiorum) quod intercedit inter horas 4. Meditationum diurnarum?

164. *Respondeo.* Ultimo quadrante horæ ante inchoandam Meditationem, præparanda sunt Puncta meditanda. Absoluta Meditatione, iuxta quintam Additionem, dispiciendum quomodo successerit Meditatio &c. quod breviori tempore quam 4. horæ pargi fieri potest & solet ab iis, qui non sunt tirones. Hac re peractâ, annotandæ sunt scripto.

165. lib. 6. vit. c. 13. fin.

(iuxta S. Xaverij consilium) practicæ quædam veritates in Meditatione perceptæ, per quas te sensisti impelli ad fugam alicuius defectus, vel ad melius operandum. Ut autem notes nuda propòsita v. g. hoc modo: *Servabo silentium. Non otio labor. labor inutilis est. quis enim dubitat, etiam imperfectissimos quosque habere voluntatem hæc vitandi? Et talium rerum postea lectio non excitat hominem ad fugam vitiorum, & exercitium virtutum, ut facit Lectio luminum seu veritatum divinitus in Meditatione immixtarum, per quæ te sensisti accendi. Tales veritates, & lumina leguntur annotata à P. Fabro in eius libro M. S. & in vitâ eius; & à P. Balthasare Alvarez in eius vitâ editâ à P. Ludovico de Ponte pag. 18. 23. 28. 31. 34. 62. 71. fin. 72. fin. 83. 168. 280. 288. 295. 456. 460. 461. Porro pro nostræ Societatis personis addo, ut hac scriptioe finitâ, ante omnia accuratissimè legatur liber Exercitiorum S. P. N. Ignatij Ieritæ, cum quadam singularum verborum pon-*

deratione, & reflexione. In singulis enim verbis est (ut ita dicam) mysterium: singula Exercitiorum verba sunt tanquam piper, ad speciem communia & obvia, sed si frangas & veluti masticas piâ ponderatione, suppeditant magnâ acrimoniam, & igneam quandam ingerunt vigorem, ad res in Divino obsequio præclare gerendas, & generosè, & sunt omnia plena magnis thesauris spiritualium doctrinarum. Lectio autem libri Exercitiorum sic inchoanda est & continuanda: Prædie Exercitiorum legantur accuratè 20. Annotationes ipso initio positæ. Item Additiones decem, quæ sunt immediatè positæ ante secundam hebdomadam. Item primum Exercitium de peccatis, in quo S. Pater tradit modum occupandi tres potentias in meditando. Hæc tria prædie Exercitiorum accuratè legantur, & Vesperti puncta Fundamenti seu Principij de fine ob quem creati sumus, in cuius finis consideratione sex horas Meditationum soleo suadere: quia à penetratione. Finis nostri, & finis proprii Societatis (pro quo doxæ ultimæ horæ primæ, secundæ diei Collectionis sufficiet) maximè pendet fructus Exercitiorum, vi & à Meditationibus de Regno Christi, de duobus Vexillis, & de tribus hominum classibus.

Primo die Exercitiorum, & diebus sequentibus manè, lege Regulas ad motus animæ discernendos, & postea alias ad pleniorum spirituum discretionem. Sed ita eas lege, ut quodammodò memoria retineas singularum summam, Nam innumera occasiones accidunt, in quibus serupulis perturbantur nostri multi, præsertim iuvenes, quia non habent menti & memoriæ impressas doctrinas in Regulis illis traditas.

Post benè ponderatas has Regulas, lege alias de Serupulis, tum illas de vitæ rectè temperando, tum totum discursum S. Patris de Electione & reformatione statuum in secunda hebdomada. His perlectis, relege ea quæ tradit de Examinibus, Confessione &c. in prima hebdomadâ: Et sic deinceps. Ex hac lectione duplex erit utilitas. Primò, tua propria, quia inde disces, quomodo dæmonis tentationibus resistere debeas, & alios iuvare. Secundò, acquies notitiam Exercitiorum necessariam ad ea suo tempore aliis tradenda. Siquidem hac in re nos voluit S. P. Nolter esse peritissimos 4. par. Constit. c. 8. §. 5. His perlectis, lege cum aliquâ reflexione Regulas tuas proprias, scilicet Scholasticorum, si studes, vel Professoris, si doces &c. & propone vitare vitanda, & facere facienda, non omittere omisâ antea.

Quòd si senties tedium aliquod in continuatione huius lectionis, intersere lectionem Thomæ de Kempis de imitatione Christi, & in eâ illa capita felige, quæ serviant ad excitandum contemptum tui, & mundi, & iudiciorum humanorum, & amorem crucis.

Legi etiam potest aliqua nostrorum Sancto-